

Guangjisi Minzcu Bau

ganhhau: CN45-0036 B.2013 Nd.10 Ng.9 liggaeuq gveiqceih nienz ndwengouj co'ngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3093期

Bingzgoj Yen Haenqrengz Henhoh Vwnzva Fwenleux Bouxcuengh

平果县着力保护壮族嘹歌文化

Gaenh bi daeuj, Bingzgoj Yen ciuq aen fuengcim "henhoh guhdaeu, ciengigouq daih'it, hablex leih-yungh, swncienz fazcanj", aeu cosih mizyauq, haenqrengz henhoh vwnzva Fwenleux Bouxcuengh, aeundaey cwnzyau yienhda.

It dwg gyroecomz duivuj ciengigouq, daengz ndawbiengz cam canghfwen, caz rox cingcuj canghfwen ndaw yienh. Dangqna j gaenq guhsat hong geiq liux daengx yienh 12 aen yangh(cin) 120658 bouxcuengh, 37 bouxcuengh, 4 bouxcuengh, caemhcaiq youq 2007 nienz laeb Fwenleux hezvei.

Ngeih dwg cingj conghyah daeuj gaujcaz, caeuq gyroengq yozcej

dangdieg doengzcae cingjleix Fwenleux ndawbiengz, okbanj saw fwenleux. Gonqlaeng ok 《Fwenleux Bouxcuengh Bingzgoj》、《Fwenleux Goksa》、《Fwenleux Bouxcuengh Yenzgiu》daengj.

Sam dwg cujiz daengx yienh doenghbox guh hong vwnzva nem bouxcuengh canghfwen dauq laeb 11 aen hawfwen conzdungj, dawz Gojva Cin Nazyungz Cunh、Buyungz Cunh、Daibingz Cin Mbanjdaibingz、Mbanjgizcangz、Lungzcu Cunh Mbanjlungzliuj dingguh doenghgi j cunh mbanj cungdenj fwenleux. Fwenleux youh haeuj mbanj haeuj ranz, hawfwen haemh cugmbaek hoizdauq.

Seiq dwg gawjhengz gak cungj hingzik fwenleux doxdax. 2006 nienz gawjhengz daih'it gaiq Fwenleux fwenyuengz doxdax, gungh bingz ok fwenyuengz 9 bouxcuengh, canghfwen 9 bouxcuengh, caemhcaiq dingh 19 bouxcuengh, canghfwen wng guh "fwenyuengz yungzi". Dangqna j doenghbox fwenyuengz neix mizmbangj baenz le bouxdaeu swncienz fwenleux.

Haj dwg beizyangj buek cujhoz moq ciengq Fwenleux haenx. Fuz hwnj "Hahliuz Yozdui" daengj buek yozdui dangdieg. Geij bi daeuj, doenghgi j yozdui neix lai baez ok rog gih、rog guk camgya gak cungj vwnzyi vanjvei, mingz riuz lajmbwn.

(Lij Gyanghlanz)

SIUSIK DINJ

简讯

● Lungzswng Gak Cuz Swciyen miz diuz roen cienmonz guh gwzming lijyouz he, couh dwg Majdiz - Veijgyangh - Laujsanhai. 10 nyied 1 daengz 5 hauh, doenghgi j dieggaeuq gwzming gwnz roen neix gungh ciepdaih hekyouz 2.1 fanh vunzbaez, doengzbeij demhwnj 32%.

(Siz Nungzbingh Yangz Vangenh)

● 10 nyied 3 hauh, Lungz-couh Yen Ginhlungz Cin daihngaih gaiq "ngoenzciet haeuxnaz hom" Bouxcuengh youq Gveibingz Cunh banh, doenghbox beixnuengx Bouxcuengh daj doxyawj daeuj haenx daenj ndangdaenj moq, eu fwen diuq foux, baijok vwnzva Bouxcuengh maenhndei hawj hekyouz yawj.

(Cinz Youjcaiz、Fangh Meiz)

● Gozging geizgan, aenvih dwg aen cunh lizsij vwnzva mizmingz, yienghsiengq bienq ndei lai, Fuconh Yauzcuz Swciyen Cauzdungh Cin Siusuij、Fuzhih song aen cunh neix yinx le haujlai hekyouz daeuj youz, hekyouz beij bi 'gvaq gyalai 10%.

(Cinz Yengiz Cinz Genvwnz)

● Youq gyajiz gozging, Liuj-cwngz Yen 10 fanh lai moux makgam gaenh baenz lo, neix dajyinx le haujlai vunz ndawsingz daiq beixnuengx baengzyoux daeuj ndaw suen makgam mbaet aeu makgam.

(Dwng Gwzdez)

● Gaenh duenh, Yungzsuij Myauzcuz Swciyen mbwn gvengq ndit lai, nungzminz dangdieg caseiz youq dieghoengq cae reih、hai rongh、dwk bwnh、doek ceh, dajndaem byaekdaihcaiq, coicaenh demsou.

(Lungz Linzci)

● 10 nyied 1 daengz 2 hauh, Siengcouh Yen Myauvangz Yangh Gujbu j Cunh aendoih fouxsaeciej gonqlaeng youq Gujbu j Cunh nem ndaw yienhsingz byaujyenj gi j dinfwngz gag caux gig ndei yawj haenx, bouxyawj cungj naeuz mizyinx, bekfwnz bobbob, nauh-nyied raixcaix.

(Gungh Genh)

Sanhgyangh: Cien Vunz Doxdax Luzswng Angq Gvaq Gozging



三江: 千人芦笙 竞技庆佳节

10 nyied 2 hauh, Gvangjsih、Huznanz、Gveicouh sam swngj (gih) cien vunz luzswng doxdax youq Sanhgyangh Duncuz Swciyen Linzhij Yangh Gvandung Cunh Mbanjgva da gawjhengz, baez hozdung neix gveihmoz gig hung, bouxdaxdax nem bouxyawj gig lai. 20 lai doih Luzswng comz daeuj doxdax, yienh'ok le beixnuengx minzcuz huzndei vuenyungz angq gvaq ciet gozging. Ndaw doz dwg bouxdaxdax cingq haenqrengz boq luzswng.

(Yangz Mingz Gungh Buj-gangh ingj)

Dwzbaui Yen Vwnzva Minzcuz Caeuq Daegsaek Lijyouz Doxhab Cwnzyau Yienhda

德保县民族文化与特色旅游相结合成效显著

Gaenh bi daeuj, Dwzbaui Yen cizgiz swncienz nem henhoh Fwencuengh、Mozlwnz Bouxcuengh、hawfwen Bouxcuengh、Heiquengh Baihnanz nem yisuz ngeihyienz ndokmax Bouxcuengh daengj haj hangh feihvuzciz vwnzva yizcanj, giethab nem leihyungh dangdieg lijyouz swhyenz gig miz daegsaek haenx, coicaenh vwnzva minzcuz caeuq lijyouz doxhab, cwnzyau yienhda.

Aen yienh neix haenqrengz daj-caux Mbanjdasu miz daegsaek Bouxcuengh、Nazleiz aen bozvuzvanj baijok doenghgi j ranz conzdungj Bouxcuengh、roenmax dozcaz gaeuqgeq Bwzyezboh、Ranzsaw Siuyangz、"Cungguek aen gamjlaeu j ciengz raeu j ciei hung" gamjduzduk ginggih、Fanghsan Vwnzdij Gungh-yenz nem Byayinzsan Duzsiufungh daengj swhyenz, dawz yisuz ngeih-yienz ndokmax Bouxcuengh、doiq fwen、Heiquengh byaujyenj、ganjmeg san lamz Bouxcuengh baijyienj、fouxsaux Bouxcuengh daengj buek hozdung hanghmoeg miz minzcuz

daegsaek haenx yinxhaeu j cungdenj ginggih, hawj ndaw ginggih lai miz neihanz, hix lai sengdoengh. Gaenh bi daeuj, gi j ginggih neix yinx le doenghbox hekyouz daj Denhcin、Sanhdungh、Yinznanz、Swconh、Gvangjdungh daengj dieg daeuj. Daengz dangqna j, gaenq yinx hekyouz rog gih 3.2 fanh vunzbaez. Neix vih daengx yienh dajcaux "Gvangjsih aen singz lijyouz maenhndei" ok rengz hung, hawj vwnzva minzcuz nem lijyouz doxhab gig ndei.

(Nungz Yungjfang)